


平海將軍固山貝子撫嶸功績



寧海將軍固山貝子撫嶧功績事實

康熙十三年閩逆倡亂賊寇全國蘭胡雙奇
邢其古楊肆王茂公趙沛卿等乘機竊發而
巨魁惟邱恩章俞鼎臣爲最分布僞劄糾集
兇黨將肆毒於嶧邑時
貝子寧海將軍奉

命提兵赴台道經嶧邑備聞賊寇聯絡情形相度

山川險要處所示叅將滿進貴曰流賊之敢
於聚嘯猖獗者以天兵奉討閩逆巨罪無暇

爲草寇計令留勁卒一千爾與知府許洪勲協力剿除殲厥巨魁以安茲土其有無知悞人賊黨而脅從者宜予招撫冬十一月草寇邢其古流賊趙沛卿以趙亦賢爲內應突入岷城焚毀堂署倉庫已幾莫保肆行剽掠男婦倉皇避難而流賊楊肆王茂公更統黨接踵逞虐知縣張逢歡飛報

貝子寧海將軍軍前隨檄叅將滿進貴遵照指訓方畧攻擊殺賊一百餘人賊首俱各肆

散奔逃城池得以無恙給把總兵二百防禦之又冬十一月草寇僞總兵胡雙奇流賊僞都督金國蘭分札岷邑北鄉剽掠諸村保而石山豆官庄溪頭併上王蔣岸橋長橋等處毒害甚慘土女潛入山谷中

貝子將軍聞報飛檄知府許洪勲同叅將滿進貴都司王德輔密約分道攻擊賊奔蔡山彎九里泉扎住三日官兵追逐之又奔逐至崇仁富潤分扎住五日長樂太平開元等處

又扎數日

貝子將軍聞賊潰而復聚乃下令嚴督於是
叅將滿進貴知府許洪勳踴躍用命復統兵
分擊執賊金國蘭梟首東郊胡雙奇邢其古
投誠宥其死令軍前出力贖罪奪還所擄掠
婦女諭令領回又冬十二月流賊偽總兵俞
鼎臣帶賊兵數千人沿江擄掠被害多人叅
將滿進貴奉

貝子寧海將軍指訓同守備周鳳帶領馬步

兵七百名會同岢縣知縣張逢歡把總馬國
常從仙巖攻入知府許洪勳同守備滿明侯
帶領兵二百并烏鎗人等進大洋嶺密約會
合奮擊流賊大敗殺偽副將楊肆偽叅將金
光大偽遊擊伍大全偽把總蔣聲生擒偽副
將董文昌董茂留爲招安共殺賊約七百餘
人餘黨皆降所獲刀鎗器械無算賊勢稍弱
知府許洪勳申報

貝子將軍傳諭知縣張逢歡安集難民又冬

十二月僞都督邱恩章統賊衆數千人扎列
貴門山嶺趙亦賢王茂公趙沛卿諸賊首又
與之合營

貝子將軍探知賊勢復振謂彼衆我寡當以
計取於是密授方畧檄命叅將滿進貴知府
許洪勳以北路之賊勢旣平佯令班師歸城
賊扎貴門若爲不知故設宴演戲且邀知縣
張逢歡及標下屬員飲酒作樂賊使窺探遂
不設備飲至二更叅將滿進貴統兵三路啣

枚襲擊生擒僞總兵王稅僞軍師張先知僞
副將馮保僞監軍郭崇義王志大僞總兵何
肆乘僞叅將郭榮僞遊擊全德祁可能僞都
司章必顯賊首邱恩章王稅沛卿等九十一
人刑諸市王茂公遁去其餘黨周明良等二
百餘人憫其無知釋使自新自是而西路之
賊始平

尺 性

